




Republika e Kosovës
Republika Kosova - Republic of Kosovo

ZYRA E RREGULLATORIT PËR ENERGJI
REGULATORNI URED ZA ENERGIJU
ENERGY REGULATORY OFFICE



Prishtinë, 03 maj 2024
Kodi i ZRRE-së: V_2012_2024

Bordi i Zyrës së Rregullatorit për Energji,

Duke u bazuar në:

- Dispozitat e Nenit 9, paragrafi 1, nën paragrafi 1.7, Neni 15 paragrafi 1 nënparagrafi 1.5, Neni 25, Nenin 26 paragrafi 1, nën paragrafi 1.2, të Ligjit për Rregullatorin e Energjisë (Ligji Nr. 05/L-084);
- Dispozitat e Nenit 28, Paragrafi 1.27 të Ligjit për Energjinë Elektrike (Ligji Nr. 05/L-085);
- Dispozitat e Nenit 10 të Licencës së Operatorit të Sistemit të Shpërndarjes,
- Kërkesën e OSSH-së, të datës 27.10.2023 për shqyrtim dhe aprovim të Plani Pesë (5) Vjeçar për Zhvillimin e Rrjetit të Shpërndarjes 2024 – 2028,

në seancën e mbajtur me datë 03 maj 2024 nxori këtë:

V E N D I M

- I. APROVOHET** - Plani Pesë (5) Vjeçar për Zhvillimin e Rrjetit të Shpërndarjes për periudhën 2024 – 2028 për Operatorin e Sistemit të Shpërndarjes.
- II. OBLIGOHET** – Operatori i Sistemit të Shpërndarjes KEDS SH.A, që të zbatoj projektet e planifikuara sipas këtij plani për funksionimin më të sigurt të Sistemit të Shpërndarjes.

A r s y e t i m

- o Zyra e Rregullatorit për Energji (ZRRE) me datë 27.10.2023 ka pranuar kërkesën e OSSH-së për shqyrtim dhe aprovim të Planit Pesë (5) Vjeçar për Zhvillimin e Rrjetit të Shpërndarjes për periudhën 2024 – 2028.
- o ZRRE pas shqyrtimit fillestar të Planit Pesë (5) Vjeçar për Zhvillimin e Rrjetit të Shpërndarjes për periudhën 2024 – 2028, ka konstatuar se i njëjti është harmonizuar me Planin dhjetë (10) vjeçar të zhvillimit të rrjetit të shpërndarjes, si dhe ka dhënë komentet fillestare dhe ka kërkuar që dokumenti të harmonizohet mes palëve KEDS dhe KOSTT.
- o ZRRE pas vlerësimit të Planit Zhvillimor të njëjtin e ka hapur për diskutim publik për të pranuar komente, sugjerime dhe vlerësime si nga të licencuarit po ashtu edhe nga palët e interesit.



- Pas përfundimit të konsultimit publik, dhe pas takimeve të shumta mes ZRRE, KOSTT dhe KEDS rreth harmonizimit të planeve, OSSh më datë 24.11.2023 pas përfshirjes së komenteve ka dërguar për miratim në ZRRE Planin Zhvillimor pesë (5) vjeçar të Operatorit të Sistemit të Shpërndarjes 2024 – 2028 të reviduar dhe harmonizuar me KOSTT.
- Duhet theksuar se në këtë plan zhvillimor, për shkak të problemeve të mëdha në ndërprerje të furnizimit me energji, humbje të energjisë dhe rënie të larta të tensionit për shkak të ngarkesës së madhe, ZRRE ka lejuar investimin në linjën 35 kV Rahovec-Malishevë. Ky projekt do të realizohet në vitin 2024.
- Krahas këtij investimi, ZRRE ka lejuar edhe instalimin e njehsorëve shtesë krahasuar me planin investiv 5 vjeçar të aprovuar vitin e kaluar, kjo për shkak të përmbushjes së obligimeve ligjore nga ana e KEDS.
- Si rezultat i arritjes së marrëveshjes me Elektroserver për furnizimin e katër komunave në Veriun e Kosovës është paraqitur nevoja për investime shtesë nga OSSH-ja, të cilat për shkak të rrethanave të panjohura nuk kanë mundur të shqyrtohen dhe vlerësohen në planin e aprovuar të investimeve për periudhën e tretë rregullative (2023-2027), pasi që implementimi i kësaj marrëveshje ka filluar nga 1 janari 2024 dhe OSSH është ende në fazën e mbledhjes së të dhënave nga terreni mbi gjendjen ekzistuese, në bazë të cilës do të hartohet plani i detajuar për investimet e domosdoshme në katër komunat e veriut të Kosovës. Investimet e parapara në katër komunat në veri kanë të bëjnë me instalimin e njehsorëve, investime për stabilimente elektroenergjetike të tensionit të mesëm dhe të ulët si dhe janë paraparë investimet urgjente në infrastrukturë.
- Bordi i ZRRE, pas vlerësimit dhe analizimit të Planin Zhvillimor pesë (5) vjeçar të Operatorit të Sistemit të Shpërndarjes 2024 – 2028 ka konstatuar që janë përmbushur kërkesat ligjore, dhe ka vlerësuar se projektet e përfshira në dokument janë të arsyeshme dhe të nevojshme për funksionimin e sigurt të sistemit të shpërndarjes, prandaj ka vendosur si në dispozitiv të këtij Vendimi.

III. Vendimi nxirret dhe publikohet në gjuhët zyrtare në Republikën e Kosovës.

IV. Vendimi hyn në fuqi në datën e miratimit nga Bordi i Zyrës së Rregullatorit dhe do të publikohet në faqen elektronike zyrtare të ZRRE-së.

Këshillë juridike: Kundër këtij vendimi, pala e pakënaqur mund t'i drejtohet Gjykatës Kompetente brenda tridhjetë (30) ditëve nga data e pranimit të Vendimit ose data e publikimit të Vendimit në faqen elektronike të ZRRE-së, cilado që ndodhë e fundit.



Shtojcë: Plani pesë (5) vjeçar Zhvillimor i Operatorit të Sistemit të Shpërndarjes për periudhën 2024 – 2028.

Bordi i ZRRE-së:

Ymer Fejzullahu, Kryesues

Lutfije Dervishi, anëtar

Gani Buçaj, anëtar

Arta Isufi, anëtar

Adnan Preniqi, anëtar

Vendimi dhe dokumenti i dërgohet:

- Të licencuarit – KEDS SH.A., dhe
- Arkivit të Zyrës së Rregullatorit për Energji.